

Թիւնը, Զօրա-Տնտեսական Ընկերութիւնը, Հայաստանի Շախմատիստների Ընկերութիւնը, «Դիւցազն» մարզական ակումբը Երևանում, Երիտասարդ գրագէտների «Պանդոկ» խումբը, Երևանի Հայուհեաց Միութիւնը, Հայաստանի «Մանկապարտէզ» Ընկերութիւնը, Վասպուրականի Կանանց Միութիւնը, «Ռուստոմ» գրադարանը, 20-ի չափ հայրենակցական ընկերութիւններ և այլն:

Հանրային կրթութեան և արևեստի նախարարութեան կից ստեղծւեց Հայաստանի Հնութեանց Պահպանութեան Կոմիտէ, որի նպատակն էր պահել Հայաստանի հնութիւնները, թոյլ չտալ, որ փշանան մարդկանց ձեռքով կամ բնական պատահարներից ու Ժամանակի ազդեցութիւնից, փլչելու ենթակայ շէնքերին հասցնել ճարտարապետական օգնութիւն, ոչընչացման դատապարտւած հնութիւնները նկարել, քանդակել և այլն: Կոմիտէին էր վերապահւած նաև հսկողութիւնը պեղումների վրա կամ անմիջապէս պեղումներ կատարելը:

Հնութեանց Պահպանութեան Կոմիտէի կազմն էր. պրոֆեսորներ Գարեգին եպ. Յովսէփեան, ակադ. Ա. Թամանեան, Աշխարհբէզ Մելիք-Քալանթարեան: Կոմիտէի հետաքրքրութեան ու գրադումի առաջին առարկան եղան Անիի աւերակները: Ճարտարապետ Թ. Թորոմանեանի ղեկուցման հիման վրա դիւրատնտեսութեան նախարարութիւնը որոշեց Հնութեանց Պահպանութեան Կոմիտէին յատկացնել լքեալ Անի գիւղի հողերը, տրամադրեց սերմացու, և այդ գիւղը դարձաւ Անիի հնութիւնների պահպանութեան կենտրոն: Ճարա. Թորոմանեանը հաստատուեց այնտեղ:

1920թ. յուլիսին, Կոմիտէն կազմակերպեց ղիտական մեծ արշաւանք, որին մասնակցեցին ճարտարապետներ Թորոմանեանն ու Տէր-Միքայէլեանը, հայ արևեստին քաջածանօթ ռուս ճարտարապետ Գալկինը, նկարիչ Յղիշ Թադէոսեանը իր աշակերտներ Մկ. Մարգարեանի և Ստ. Թարխարեանի հետ, նկարիչ Տեղոյեան ամուսինները, «Գեղարեստ»-ի խմբագիր Գ. Լևոնեանը, լուսանկարիչ Վաղ. Յակոբեանը և ուրիշներ: Արշաւախմբին մասնակցում էին և Կոմիտէի անդամներ Գարեգին եպ.-ը և Մելիք-Քալանթարեանը:

Արշաւախումբը իր աշխատանքների կենտրոն ընդունեց Անին, որտեղից աստիճանաբար պիտի տարածւէր դէպի Կարս, Ալեքսանդրապոլ և Արարատեան դաշտ: Այսպիսով, ամբողջ երկիրը հետազօտելուց յետոյ, պիտի կազմէր Հայաստանի հնագիտական քարտէսը: Հետազօտութիւնները կատարուում էին նախօրօք մշակւած ծրագրի համաձայն: Զուգընթացաբար հանուում էին որմանկարներ, յատակագծեր, շէնքերի և արժէքաւոր տեղերի, խաչքարերի, արձանադրութիւն կրող քարերի ու շէնքերի, քանդակների, պատկերների նկարները: Հաւաքւած նիւթերը պիտի կենտրոնացւէին մայրաքաղաքի պետական թանգարանում, պիտի հիմնւէին տեղական թանգարաններ: Հնագիտական հետազօտութիւնների տեսակէտից երկիրը բաժանւել էր մի քանի շրջանների, որոնք հետզհետէ պիտի ուսումնասիրւէին: